

ACTA DA SESIÓN ORDINARIA DA XUNTA DE GOBERNO LOCAL DO DÍA 3 DE DECEMBRO DE 2024

SEÑORES/AS ASISTENTES:

ALCALDE:

Don José Luís Camiñas Vázquez

CONCELLEIRAS:

Dona Begoña Vázquez López

Dona Patricia Hermida Deza

SECRETARIO:

Don José María Novo Ramos

Na Casa do Concello de Rodeiro, a tres de decembro de dous mil vinte e catro, reunidos en primeira convocatoria os/as señores/as concelleiros/as que á marxe se citan, baixo a presidencia do Sr. alcalde-presidente Don José Luís Camiñas Vázquez, asistido do secretario da Corporación que subscribe, tivo lugar a sesión ordinaria da Xunta de Goberno Local, ao efecto convocada, e

sendo as catorce horas deuse inicio á mesma, pasándose ao estudo dos asuntos incluídos na Orde do Día, e adoptándose os seguintes ACORDOS:

1.- ACTA ANTERIOR

Dada conta do borrador da acta da sesión extraordinaria do día 22 de novembro de 2024, foi aprobado por unanimidade dos/as Sres./as. concelleiros/as presentes.

2.- CONCESIÓN DE TERCEIRA AMPLIACIÓN DO PRAZO DE EXECUCIÓN DE OBRA MUNICIPAL

ANTECEDENTES

1º.- Con data 24 de setembro de 2024, a Xunta de Goberno Local adxudicou á sociedade CONSTRUCCIONES Y OBRAS TABOADA RAMOS S.L.U. o contrato de obras para a execución do investimento denominado “MELLORA DE CAMIÑO MUNICIPAL DE ACCESO A PARCELAS AGRÍCOLAS EN ÁLCEME”.

2º.- A preceptiva acta de comprobación do reformulo asinouse o día 14 de outubro de 2024, fixándose o prazo de execución da obra adxudicada en dúas (2) semanas, contadas a partir do día da sinatura de dito documento.

3º.- Por acordos deste órgano, adoptados nas sesións de datas 28 de outubro e 14 de novembro do corrente, concedéronse dúas sucesivas ampliacións ata o día 25 de novembro de 2024.

4º.- En data 22 de novembro do corrente (RE-E núm. 685), Dona Ana Isabel Taboada Ramos, na representación da sociedade adxudicataria, solicita unha terceira ampliación do prazo de execución da obra polos motivos que especifican no escrito de solicitude.

5º.- A dirección facultativa das obras emite, con data 22/11/24, informe favorable á prórroga solicitada.

FUNDAMENTOS XURÍDICOS

Primeiro.- O artigo 193 da Lei 9/2017, do 8 de novembro, de contratos do Sector Público (LCSP), dispón literalmente: *“O contratista está obrigado a cumprir o contrato dentro do prazo total fixado para a realización do mesmo, así como dos prazos parciais sinalados para a súa execución sucesiva”*.

Segundo.- O artigo 195.2 do citado texto legal establece que se o retraso fose producido por motivos non imputables ao contratista e este ofrecera cumprir os seus compromisos ampliando o prazo inicial de execución, o órgano de contratación concederallo dándoselle un prazo que será, polo menos, igual ao tempo perdido, a non ser que o contratista pedise outro menor.

Debidamente informados de canto antecede, a Xunta de Goberno Local, por unanimidade dos/as Sres./as. concelleiros/as asistentes, adopta o seguinte:

ACORDO

Conceder á adxudicataria CONSTRUCCIONES Y OBRAS TABOADA RAMOS S.L.U. unha terceira ampliación, ata o día 9 de decembro de 2024, no

prazo de execución da obra denominada “MELLORA DE CAMIÑO MUNICIPAL DE ACCESO A PARCELAS AGRÍCOLAS EN ÁLCEME”.

3.- DACIÓN DE CONTA DOS PREMIADOS NO CONCURSO “RODEIRO DE TAPAS. XI XORNADAS DE PROMOCIÓN DA CAZA E DOS PRODUTOS LOCAIS – EDICIÓN DE OUTONO”

A concelleira-delegada de Cultura, Turismo, Patrimonio, Comercio e Sanidade Dona Xulia Dacal Juiz, traslada para coñecemento deste órgano os resultados do concurso da iniciativa “Rodeiro de tapas. XI xornadas de promoción da caza e dos produtos locais – Edición de outono”, co seguinte resultado:

Premios do público (reconto efectuado en data 18/11/24)

- Puntuacións acadadas polos establecementos participantes:

	Locais	Nº papeletas con 1 punto	puntos	Nº papeletas con 2 puntos	Puntos	Nº papeletas con 3 puntos	Puntos	Nº papeletas con 4 puntos	Puntos	Nº papeletas con 5 puntos	Puntos	Total Papeletas	puntos	Coefficiente
1.	Farrillada Maranteiro “Timbal a Roda”	4	4	4	8	13	39	21	84	114	570	156	705	4.519
2.	Bar Ricanto “Xabariñ con setas e castañas”	-	-	-	-	-	-	-	-	-	-	-	-	-
3.	Bar Desito. “Tarrina de outono”	2	2	9	18	19	57	56	224	207	1035	293	1336	4.580
4.	Bruzas e coruxas. “Olláparo”	1	1	9	18	24	72	51	204	81	405	166	700	4.217
5.	Casa Sánchez “Koroake de outono”	2	2	2	4	15	45	25	100	256	1280	300	1431	4.770
6.	Pub Gallaeria. “Carapuchifal”	4	4	9	18	30	90	50	200	81	405	174	717	4.121
7.	Oz Cabaleiros “Pasta con champi”	4	4	4	8	7	21	15	60	21	115	53	208	3.925
8.	Casa Achacán “Cachocorzo.com”	1	1	2	4	11	33	45	180	139	695	198	913	4.611

- Premios concedidos:

PREMIOS	ESTABLECEMENTO	DENOMINACIÓN DA TAPA
PRIMEIRO	CASA SÁNCHEZ	KOROKE DE OUTONO
SEGUNDO	CASAACHACÁN	CACHOCORZO.COM
TERCEIRO	BAR DESITO	TARRINA DE OUTONO

4.- APROBACIÓN DAS BASES DO II CONCURSO DE DECORACIÓN DO NADAL “RODEIRO É ILUSIÓN”

Infórmase aos/ás Sres./as concelleiros/as presentes que, por iniciativa da Concellería-Delegada de Cultura e por segundo ano, o Concello de Rodeiro, a través da participación cidadá, co motivo de manter o espírito do Nadal, de crear un ambiente festivo e de favorecer as compras en todo o termo municipal presenta o II Concurso de Decoración do Nadal “Rodeiro é ilusión” dirixido a todos os negocios, comunidades de montes, asociacións, comercios, empresas locais e familias que forman o noso municipio.

Debidamente informados de canto antecede, a Xunta de Goberno Local, por unanimidade dos/as Sres./as. concelleiros/as asistentes, adopta o seguinte ACORDO:

Primeiro.- Aprobar as bases do concurso, co contido íntegro que se contén no anexo do presente acordo.

Segundo.- Aprobar un gasto por importe de SETECENTOS SETENTA E CINCO EUROS (775,00 €), co cargo á partida orzamentaria 330/226 do orzamento en vigor, para o abono dos premios establecidos nas bases para os/as gañadores/as do concurso.

ANEXO

BASES DO II CONCURSO DE DECORACIÓN DO NADAL “RODEIRO É ILUSIÓN”

Por segundo ano, o Concello de Rodeiro (Pontevedra), a través da participación cidadá, e co motivo de manter o espírito do Nadal, de crear un ambiente festivo, de contar coa participación da cidadanía e, así, de favorecer as compras en todo o termo municipal, presenta o Concurso de Decoración do Nadal dirixido a todos os negocios, comunidades de montes, asociacións, comercios, empresas locais e familias que forman o noso Municipio.

1. — OBXECTO.

O obxectivo é intentar que os lugares do noso Concello se impregnen do espírito de Nadal coa colaboración de todos, cos seguintes fins:

- Dinamizar a participación activa dos-as cidadáns do Concello de Rodeiro (Pontevedra).
- Colaborar e infundir un ambiente de Nadal decorativo baseado en valores como o traballo en común, a fraternidade ou a cooperación.
- Contribuír ao aforro económico en torno a materiais de decoración do Nadal e dispoñer de elementos decorativos que aporten á localidade un entorno de Nadal acolledor e ilusiónante.
- Fomentar o uso de materiais reciclables como recurso educativo á cidadanía a través da transformación do espazo.
- Sensibilizar do problema dos residuos e da importancia do reciclaxe.

2. — PARTICIPANTES.

Establécense tres categorías de participantes:

a) Familiar\Individual.

Poderán participar neste concurso todas aquelas persoas maiores de idade con residencia no municipio de Rodeiro (Pontevedra) que realicen a decoración da fachada, balcóns ou outra zona exterior da súa vivenda.

b) Empresas, comercio e hostalería

Poderán participar os establecementos e empresas do concello que teñan escaparate ou fachada visible dende a vía pública e aqueles que ofrezan outro tipo de servizos como bares, restaurantes, cafeterías, asesorías, inmobiliarias, hoteis, pensións, estudos etc que dispoñan dun balcón, xanela, porta, fachada...

Os participantes responsabilizaranse do adecuado cumprimento destas bases e da realización dos trámites, permisos, medidas preventivas o de calquera índole que puideran ser precisas para a súa participación no concurso, eximindo ao Concello de Rodeiro (Pontevedra) de calquera responsabilidade polo seu incumprimento ou omisión.

Todos os negocios que queiran participar deben estar abertos ao público.

Os interesados en participar deberán inscribirse a través do correo electrónico biblioteca@rodeiro.gal, ou persoalmente na biblioteca.

c) Decoración de espazos públicos.

Poderán participar, empresas que acrediten a súa vinculación con Rodeiro, as asociación e/ ou agrupacións veciñais legalmente establecidas que decoren unha praza/ lugar/... da parroquia na que estean establecidas a excepción do casco urbano de Rodeiro.

Para o casco urbano de Rodeiro detállanse a continuación os condicionantes.

Limitáanse os espazos a ser decorados a 5:

Palco da música.

Praza de Oseira (a zona a decorar será a delimitada)

Fonte do Concello (a zona a decorar será a delimitada)

Muiño do parque

Parque do lago (a zona a decorar será a delimitada)

Pola singularidade destes espazos, entregárase unha axuda por importe máximo de 350,00 € para colaborar na súa decoración previa xustificación e supervisión do gasto executado.

Para poder decorar calquera destes espazos hai que solicitalo previamente no correo biblioteca@rodeiro.gal e adxuntar un documento co que se pretende executar.

Adxudicárase o espazo por orde de inscrición podendo ser excluída calquera proposta por non se axustar aos criterios e bases deste concurso.

Na proposta poderá aparecer o nome dos patrocinadores a modo publicitario.

3. — ENTIDADE ORGANIZADORA.

O Organismo encargado da valoración do concurso será o Excelentísimo Concello de Rodeiro (Pontevedra) a través do Departamento de Cultura onde se dirixirán aquelas posibles incidencias, comunicados, etc que se produzan durante a celebración de dito concurso a través do correo electrónico xuliadacal@rodeiro.gal

4. — MATERIAIS EMPREGADOS.

Os materiais empregados para a decoración deberán ser na súa meirande parte material reciclado, así como materiais provenientes da natureza ou outro medio natural sempre que non se prexudique ou dane o medio ambiente.

Os participantes disporán de liberdade no estilo e técnica empregada na decoración da vivenda, negocio e espazo público.

Os elementos decorativos que se empreguen non poderán causar ningún perigo nin prexuízo para as persoas e os bens e basearanse na reciclaxe, a ecoloxía e a creatividade.

5. — CONDICIÓNS DE PARTICIPACIÓN.

A montaxe e desmontaxe dos elementos decorativos realizarase por cada un dos participantes.

A decoración presentada non poderá ser modificada, deberá ser visible dende a vía pública e non causar molestia aos veciños ou transeúntes nin obstruír o tráfico de vehículos ou persoas.

A decoración deberá ter relación co Nadal e os motivos tradicionais do mesmo, tendo os participantes plena liberdade en canto á técnica e estilo decorativo, quedando totalmente prohibida a utilización de velas, fachos, pirotecnia ou calquera outro elemento que puidera resultar perigoso.

A decoración deberá permanecer exposta dende o día de solicitude ata o 07 de xaneiro de 2024, e contar as condicións precisas de conservación, coidado e seguridade durante todo o período de exposición.

As persoas participantes realizarán unha fotografía do decorado. As fotografías deben ser en formato dixital e poderán ser en cor ou en branco e negro.

As fotografías xunto coa inscrición cuberta deberán ser enviadas vía correo electrónico co asunto "concurso decoración de nadal", á dirección xuliadacal@rodeiro.gal. Os participantes que non cumpran este requisito poderán ser excluídos. No correo deberase indicar a categoría a que se presenta, os datos persoais e a dirección ou espazo a decorar.

Asemade, todas as fotografías das decoracións que se envíen deben contar con:

- a) Título da fotografía relacionado coa temática. O título da fotografía debe ser unha mensaxe non ofensiva.
- b) Nome e apelidos da persoa que a envía e no caso de negocio tamén o nome do mesmo.
- c) Número de teléfono de contacto.
- d) Enderezo e localización das vivendas para o acto de comprobación.
- e) D.N.I (fotografía ou fotocopia) ou C.I.F. da entidade.

O prazo de admisión remata o día 20 de decembro.

A decoración deberá ser retirada polos participantes deixando a vía pública en perfecto estado de acondicionamento, limpeza e ornato.

Os participantes ceden o dereito das imaxes remitidas ao Concello de Rodeiro (Pontevedra) para a súa publicación en medios de comunicación, páxina web, redes sociais, para a realización dun álbum recordatorio, así como calquera outro soporte físico ou audiovisual co obxecto de publicidade corporativa.

6. — PRAZOS.

- *Prazo para envío das fotos:* desde o 3 de hasta o 20 de decembro.
- *Prazo de exposición do traballo:* ata o 07 de xaneiro de 2024.
- *Prazo para a valoración:* do 10 de decembro ao 3 de xaneiro.
- *Prazo de resolución de premios:* 4 de xaneiro.
- *Prazo de entrega de premios nas datas que se estableza a festa de Reis.*

7. — TEMA.

A Decoración do Nadal das fachadas, balcóns, xanelas, escaparates, espazos públicos etc que dean a vía pública.

8. — VALORACIÓN.

Para a valoración das fotografías presentadas ao concurso, o xurado terá en conta os seguintes criterios:

- a) Deseño.
- b) Orixinalidade.
- c) Cantidade e tipoloxía de materiais reciclables ou da natureza empregados.
- d) Adecuación coa imaxe xeral do espazo onde estea instalada.
- e) Entusiasmo polo Nadal.

Cada membro do xurado emitirá a súa valoración nunha acta de votación por categoría e o sistema de votación será o seguinte:

- Cada membro do xurado puntuará a decoración de 1 a 10 puntos. etc.
- A suma de todos os puntos , dará lugar aos-as gañadores-as do concurso.
- No caso de empate, volverase a puntuar, pero nesta ocasión se puntuará do 1 ao 3, así sucesivamente ata que se consiga un claro gañador-a.
- En caso de empate, será designada a candidatura que máis número de veces acadase a puntuación máxima (10 puntos). Se aínda así continuase o empate, a designación correspondería á que acadase máis 9 e así sucesivamente.
- O fallo será inapelable, podendo declarar deserto o concurso.
- Formulado o fallo, e emitida a acta, a competencia para o outorgamento do premio corresponde a Concellería de Cultura ou órgano no que delegue.
- Os-as concursantes comprométense a aceptar a decisión do xurado.
- Os premios se establecerán en función da maior puntuación obtida.
- Unha vez emitido o fallo, o Concello de Rodeiro (Pontevedra) contactará cos premiados-as (persoa individual ou representante do negocio ou asociación) co obxectivo de que aporten a documentación requirida, tal e como figura no Anexo I desta convocatoria.
- A selección dos gañadores-as será a discreción absoluta do xurado e o seu fallo será definitivo e inapelable.
- A organización queda facultada para resolver calquera continxencia non prevista nas bases.

9. — *O XURADO.*

O xurado estará formado por dúas persoas acreditadas designadas por acordo da Xunta de Goberno Local.

10. — *PREMIOS.*

Os premios divídense por categoría da seguinte forma:

1º Categoría

- 1º Premio: 150,00 €
- 2º Premio: 100,00 €
- 3º Premio: 75,00 €

2º Categoría

- 1º Premio: 200,00 €
- 2º Premio: 150,00 €
- 3º Premio: 100,00 €

3º Categoría

- 1º Premio: Diploma
- 2º Premio: Diploma
- 3º Premio: Diploma

11.— *ENTREGA DOS PREMIOS.*

Os premiados serán entregados o día de Reis na carpa municipal .

Os premiados recibirán o día do acto un diploma do Concello de Rodeiro (Pontevedra) acreditativo do premio.

Os premios liberaranse a través dun vale para gastar no comercio, hostalería ou empresas de servicios de Rodeiro.

A data de entrega dos premios do concurso comunicarase aos interesados e publicarase na web do Concello. (sede electrónica, páxina de Facebook, etc).

DISPOSICIÓN FINAIS.

A participación implica a aceptación desta convocatoria e calquera circunstancia non prevista será resolta pola organización.

O Concello de Rodeiro (Pontevedra), informa que os datos de carácter persoal que sexan facilitados serán obxecto de tratamento nos nosos ficheiros, coa finalidade de xestionar a participación no concurso, comunicar a condición de gañadores e entregar os premios correspondentes. Os datos do nome, apelidos e a dirección onde a decoración está instalada poderán ser publicados tanto nas páxinas web do organizador, como en calquera outro medio de comunicación electrónico ou convencional. A participación no concurso supón a plena aceptación do tratamento e cesión dos datos persoais e do uso das fotografías proporcionadas, nos termos expostos nesta convocatoria.

Coa participación no neste concurso autorízase ao Concello de Rodeiro (Pontevedra) ao uso de forma gratuíta da imaxe por tempo ilimitado.

A presente convocatoria publicarase na páxina web do Concello de Rodeiro (Pontevedra) e no taboleiro de anuncios, facebook, etc.

5.- FACTURAS E PAGOS

Por unanimidade dos/as membros da Xunta de Goberno Local, apróbanse as seguintes facturas e pagos:

- ANA BELÉN MENOYO GARCÍA 6,72 €
Por subministro de augas para o Concello, s/factura núm. 13489.
- TELEFÓNICA DE ESPAÑA S.A.U. 69,39 €, 148,83 € E 525,14 €
Por consumos de telefonía fixa, móbil e datos, s/facturas núm. TA7CR0000924, TA7DR0001546 e TA7DR0001547 (FACe).
- SUPERVISIÓN Y CONTROL S.A. 50,12 €
Por taxa de ITV de vehículo municipal, s/factura núm. 361324FC0008632.
- QUAVITAE SERVICIOS ASISTENCIALES S.A.U. 49,24 € E 49,24 €
Por prestación do servizo de teleasistencia domiciliaria a usuarios do Concello nos meses de setembro e outubro de 2024, s/facturas núm. 24ZNX0223968 e 24ZNX0264944 (FACe).
- SOCISER GALICIA S.L.U. 2.428,67 €
Por prestación de servizos de axuda no fogar, modalidade de dependencia, no mes de setembro de 2024, s/factura núm. A/172 (FACe).
- CURROLIÑO S.L. 447,70 €
Por traballos de carpintería no Punto de Atención á Infancia (PAI), s/factura núm. 36/C.
- RODOIL S.L. 112,97 € E 183,36 €
Por subministro de combustible aos vehículos da AVPC no mes de setembro de 2024, s/facturas núm. 2024/24/000365 e 2024/24/000367 (FACe).

- RODOIL S.L. 98,55 €, 200,60 €, 421,39 €, 37,17 €, 461,97 € E 202,88 €
Por subministro de combustible aos vehículos da brigada municipal de obras no mes de setembro de 2024, s/facturas núm. 2024/24/000370, 2024/24/000372, 2024/24/000373, 2024/24/000374, 2024/24/000376 e 2024/24/000377 (FACe).
- RODOIL S.L. 61,95 €, 359,88 €, 119,97 € E 810,02 €
Por subministro de combustible aos vehículos da Mancomunidade no mes de setembro de 2024, s/facturas núm. 2024/24/000366, 2024/24/000368, 2024/24/000369 e 2024/24/000375 (FACe).
- TALLERES JEYMA RODEIRO S.L. 1.109,45 €
Por traballos de reparación de vehículo municipal, s/factura núm. A/162.
- MANUEL CALVIÑO FERREIRO 459,46 €
Por traballos de reparación de vehículo municipal, s/factura núm. 33.
- FELIPE LÓPEZ CORRAL 3.061,30 €
Por diversos traballos de reparacións eléctricas no alumeadado público do Concello, s/factura núm. 872.
- DIEGO VILLAMAYOR ALVARELLOS 1.150,71 €
Por diversos traballos de ferraxería para o Concello, s/factura núm. F2024202421.
- SENÉN LEDO RODRÍGUEZ 3.254,90 €
Por traballos de impermeabilización da fonte da rotonda de Rodeiro, s/factura núm. 371.
- COSAPLAG S.L.U. 1.089,00 €
Por traballos de limpeza e desinfección de depósito de auga, s/factura núm. 20243559 (FACe).

- RODOIL S.L. 24,35 €
Por subministro de combustible á máquina varredora no mes de setembro de 2024, s/factura núm. 2024/24/000371 (FACe).
- SUMINISTROS SAA-DOZÓN S.L. 237,00 €
Por subministro de canle de saneamento para obras municipais, s/factura núm. 176 (FACe).
- AMBIGAL 360 S.L. 330,00 €
Por importe mensual do servizo consistente na recollida selectiva da fracción papel-cartón, s/factura núm. 01-A241089 (FACe).

E non tendo máis asuntos que tratar, o Sr. alcalde-presidente dá por rematada a sesión, sendo as catorce horas vinte minutos, da que como secretario, estendo a presente e certifico.

O secretario,
(*sinatura dixital*)

O alcalde,
(*sinatura dixital*)